

16 Doppla

Autostopp'n tama.

Mit wos? Mi'n Dama.

Gibt's im Winta a Feia,
muiss im Ofa prax'ln 's Feia.

Om Foss sitzt is Peu.

Mir genagan om Beu.

Ausrutsch'n om We,
tuit om Hintan recht weh.

Wonn's blitzt't's on an Dunnasto,
schau, glei d'rauf dunnat's do.

Da Hansl mocht ma an G'foi'n,
dabei is er hig'foin.

I hob' g'lost und wos g'hert,
wos si wirkli net g'hert.

Heet is's so hoaß,
dass i kam woaß wia i hoaß!

Wonn i z'spot zum Bohnhof hetz,
glaubt's mas, des is echt koa Hetz.

Der Bursch do wa' recht aufg'weckt.
Owa 's hot eam neam aufg'weckt.

Is's draußt noss und koit,
host da a Gripp' a glei g'hoit.

Bei Glotteis do fin'dst du hoit
mit deene Fiaß so gor koan Hoit.

Auf d'Schneid' vo oana Hocka
kost di schlecht hocka.

Bled wa, wonn's Roß ohne Kummat
aus'n Stoi aussa kummat.

Kimmt da Sepp hoam mit an Fetz'n,
drischt'n 's Wei mit an Fetz'n.

Heet ko i in Wee, net widasteh'.
Owa moring ko i eh wieda steh'.

Dezember 2023